

龍袴國師傳一音題

龍 袴 國 師 傳

叙

念西禪師，今之南閩高僧也。專弘淨業，著作甚富。近以所撰龍袴國師傳見示。披卷諷讀，歎為希有。文筆樸拙，不假修飾，彌益古趣。豐德性常律師，擬以付刊流布，而資亡母冥福。孝思肫誠，尤足多焉。為題卷端，以志歡讚。歲次乙亥十月惠安淨峰少門一音

自叙

竊以晦跡巖泉，追少室而架往。漱流林藪，軌大梅以標今。仰挹風徽，實所欽尚。明神宗朝，閩漳三峰閒雲石室，開山祖，龍袴國師。栖心淨土，勸念彌陀

龍袴國師傳

。穴處山居，澗飲木食，清苦自若，十三年之潛修。後乃龍天推出，升餘載之顯化。泛慈舟而拯溺，持慧炬以破昏。拔國母於幽途，昇皇親之天界。榮封龍袴，德樹浮圖。為法為人，利他利己，終以往生極樂國矣。同關道友性常法師，以斯勝緣，為母陳張氏資冥福。發心排印此傳千冊，普使見聞獲益。凡諸功德，悉皆同向西方，是其所願也。余嘉其志，謹作一語，序之篇首。但詞乏清華，文非道麗。可補關於僧傳，期啟信於世人。是事希有，冀與鄰地瑞竹巖，大覺璉國師，並垂傳不朽耳。

阿彌陀佛聖誕良辰釋念西作于溫陵大開元寺律淨關中

龍 袴 國 師 傳

明、漳州、三峰、閒雲石室、龍袴國師傳

國師號龍袴，（法名佚失）姓郭，漳之東鄉霞洲人也，幼無讀書，世耕作。神宗朝得度。抽簪于本郡山頭社橋下庵。出家後，習經遲鈍，忘前落後，無讀誦性，相類特伽之誦帚。其剃度和尚，以其難于教化。惟日以運水採薪，而供師僧。閱四五年，一句彌陀，猶念不調，故常勞役。每禮參師道，竟不獲教。但聞師言。可作作苦行，以消業障，餘非汝所學。如是數次，含受師訶，都不生恨。念欲修行，既乏師教，又日無暇。正太息間，適雲水師來焉。乃夜私造室參叩，以請法益。彼嘉其意虔，探問來歷，藉悉原為生死心切。但根性不聰，而道志彌堅，器之。即為說古德操行，穴處巖居，澗飲木食，以樂吾道。乃至說道之一字，理極難明。總之，躬行實踐，道必達焉。師果有真實修道，唯念

龍 袴 國 師 傳

佛一門，為橫超之捷徑，較行參禪為易，且保無魔業之燒。苟能以信入門者，須法古人。則將來念佛三昧，可計日而待證矣。師聞之，心遂感悟，擬入三峰石窟修行。復作是念，此事萬不可令人知之，知恐不成。曾一度預啟師友曰。某不日。當有他適修道。人皆不信，謂是戲言，故置不究問。然師志已決，從此每往該處，伐木誅茅，而作栖身之所。人亦不知所為，見日仍以負薪回，不介其意。迨所作已辦，有休焉之志。竟於越晨，將諸用具，而詣石窟。自是栖身淨土，勤念彌陀。當初住時，惟煎米湯以止飢渴。祇因乞化山麓，路有難行。自說既然僻隱，不惹游塵。乃種薯芋，以自果腹。誠哉，居天地之別有，友麋鹿而相鄰，嗒然方外，不雜人間。詎料未及一載，師友訪樵問路，被知住處，來勸歸庵。師竟不移清修矢志。後有姊子聞舅氏出家，隱居山林，清苦自若。即邀庵中諸伴，攜布一匹，惠彼衣服之需。再三勸回本庵，師絕不以為聽。勸既不歸，而布又弗受。渠強投下，拭淚而去。師不視不顧，亦不移動，念佛

龍袴國師傳

如故。是布一投，十有三年。塵坌寸厚，眼亦不以物為碍。此可見其念佛，已念到無心用處，真得功夫矣。復聞師住山時久，所著布褲破裂，膝肉現赤。忽動心念，而即善自安慰曰。此時能度且暫度，待我他日，受國師禮，與汝著龍袴。其安心有訣，此類。何則，「布者自布，堆作塵土。褲者自褲，破而不補」。吾其大放下人，不過亦為爾爾。一日，山下賣雜貨者，生意不幸，絕無他購。正歸造飯，值天降雨，途次經於山隈，避雨其舍，腹枵索食。師曰，善。但為我此坑下，拾些小石卵來，然後相餉。賣貨者隨往取之來。即令其滌淨。師自親手，散之小鍋，加少許水，教他燒煮。是人不知，疑何所作。未幾，師喚芋熟矣。去蓋視之，果然芋卵滿盛，箇箇如初所拾者，形無有異。喫之，其味香美。二人同食，猶尚不餓。師因密誡，切勿漏謠，今後可常此食。竊以石卵能芋，此等神變，實之無窮。爾後，師念自利既獲，當復利人。利人者，莫若奉茶，廣結衆緣。便于鄰處，萬松關官路八腳亭，距離二里有奇。以一味之

龍 袴 國 師 傳

茶，供奉三年，曾不告疲。迨萬曆皇太后崩，託夢于帝，囑請有德高僧，為拔幽苦。帝命通天監占，今天下德僧，出於何地。監奏曰。臣，每觀閩省，常蓋祥雲一道，聖將毋出是耶。帝以為然，即頒詔書。凡閩地之僧，普請為國太夫人，薦拔冥途。時，次第延六和之衆，應漳郡諸刹。同門昆季住南山寺，善懺事，亦預受請之一數。既動身赴京，途經是亭，休憩喝茶。師問其欲何所趣，同門為如實說。師曰。我生來未見京都如何，伴遊可否。答言。汝既不能懺事，去之何用。曰，我雖不會經懺，給汝役力，挑經箱可乎。答曰。若是隨意。於是從後，如小說之沙僧。沿途至燕京，通告聖意。帝命守門人，凡閩僧來者，一一從新門入進。入者必發川資，配船令還。若不入者，可詰其故，即來稟啟。時同去者，莫不進其門。唯師一人，不敢擅進，而獨跪向門前，作喃喃聲。守著怪其不入，前而問之曰，何故不入。師答。地下有金剛。再四而問，都無別語。遂奏上。上聞之喜。曰，得道高僧，將斯人歟。乃駕出而迎之。上曰

龍袴國師傳

。何不進乎。答亦如前。上言，何不倒行而入。曰，敬奉來教。即翻頭作足，躍身而入。上讚曰。善哉是人也。遂命左右，而取門下所藏金剛經。又言，朕為試事驗理，故作此方便法。非真高德之僧，焉知是地下有經者哉。帝迴顧師而言之曰。朕，欲報劬勞之恩，而拔國太幽趣之苦。應作何等經懺，願見示教。師曰。經懺某不會，惟念佛可乎。帝思少頃。報曰，既能念佛，亦是超度。不諗壇事，如何安置。師曰。可結壇如臺式，高丈許，以安靈位。拜製一招魂幡。帝問於何日用。對曰，就于來朝。帝思之，何以簡略過甚，不知云何所為，一面命創壇事，一面瞻視師容。乃呼吾師欲浴身否。曰，浴身不會。帝笑之曰。不會，令諸娥女巾浴。師默然不報，帝請師入內安息。然後囑諸女曰，汝等可為聖師澡身，而密觀其人，於受浴時，戒定力能持否，方來報明。諸宮女以承宸命，便為之浴。浴及下身，多不摩拭。師知故問曰。此肉不是肉耶，何必妄分別。諸女強以巾澡之。浴畢，將著下衣，而見其男根不現，但看如一堆

龍 袴 國 師 傳

旋螺形。因是奏上，讚此師真聖僧，寂然不動愍情，甚為希有。帝聞益嘉其梵行，疑必聖果位中人，乃以國師之禮待之。迄明早，上臨壇。見師執旛，召請國母魂。而向靈座說偈曰。「我本不來，是汝故愛。連根拔起，超昇天界」。說畢，復以旛三招，稱南無阿彌陀佛者三。謂上言，已超拔矣。上猶懷疑，超拔一何速耶。纔生是念，跪正欲起。忽聞空中有聲曰。蒙聖僧法力，今獲上昇天上，可為我禮謝三寶及聖師恩。帝瞻望聖母，忽見立雲端，心乃不疑。一時欲問所以，咽悲情塞無語。便為聖師頂禮，未舉頭頃，不復見矣。法事告滿，帝攜師手下壇。以百千金珠寶物，盛盤奉師，一皆不受。又賜紫衣法具亦不納。惟瞻帝所著龍袴，似依依不捨，目無暫瞬。帝始會意曰。若喜此服可相贈。師哂之，為說往昔修行時事，具如上。帝深然其意，欲將新製者與。師曰，但此可矣。不過著消箇念頭，豈真樂心哉。帝愈佩德欽風，即持所著龍袴賜與，更賜龍袴國師號。是午設大僧齋，滿朝文武官員，臨門拜賀。師厭冗忙，止其

龍 袴 國 師 傳

免禮。頃之，帝邀同遊御花園。園中有石塔，鑄七佛名號，悉是梵書。師從來罕見者，問此是何物。帝曰，塔，汝豈不知耶。師嘿然不對，但眼瞻仰，無任歡喜。帝知彼意，曰若喜此塔，朕可令工運去，如何。對曰，但可與我，不勞工運。帝曰，汝便持去。師曰，謝恩。即出大神通手。而收落袖中，無異桐城飛來之塔。身隨湧空，辭別欲歸。帝目擊其現大神足，藉知是聖非凡。即叩首留其駐錫。三番禮請，師皆不受，亦不下地。帝復問曰，聖人今欲何之。答，福建三峰石窟去。言畢，足步虛空，還本所住處。爾時帝慕聖師情切，派使者詣福建，處處尋求。大頒聖旨，謂尋得國師，為聯禮請來京供養。又私密敕曰。肯來者大善。不來者，亦當隨所住處，興建道場，以答罔極之恩，使者奉教，一人閩省，分發多人，覓師所在。便於漳東二十里外，而得見之。說及奉旨來山禮請事。師稱疾不起，遂免之。使官見其高卓之志，對世聲利，大有淡冷。乃囑府縣，為帝創建梵宇，以養國師。及道場建就。額曰閒雲石室。四方衲

龍袴國師傳

子，聞名參道，絡繹而來。宰官居士，望風歸化者不少。有江西羅狀元奉先，捐榮學道，法名念庵。曾來親近國師三載，授以念佛三昧法門。又師以不識字故，唯口宣化。凡所開示，都無記錄，其法語世無傳焉。僅有四句超昇之偈。拜漳州府誌載三峰石室開創事。當帝遣使請師後，未及使還，白雲遽駕。又同門者，歸途之次，亦病亡。後，師垂化二十餘年，至崇禎末，正月十八日，預三日前，自知生西時至。告衆說法。屆期沐浴，念佛遷化。其俗家郭氏，先以師出世無後，為之乞嗣。於師在日，已盛傳千有餘人。聞訃西歸，急來爭取真身，曾訟官庭，官為緝俗調和。即作二棺，一以盛師真身，一以盛龍袴并遺像。壘重平均，漆色一樣，難以分別。而彼俗裔，爭先挑揀，竟獲龍袴等物而回。於真身者，幸歸釋門而茶毘之，碎身獲舍利無數。葬于本山岩后之東，嚴守塔墓多年。厥後年代久遠，梵剎頽落，乏人掌持，而國師爪髮之塔廢矣。今遺基尚在，靈骨不存。復有國師遺像，木所雕者，與羅念庵像，並在。列峙殿之

龍 袴 國 師 傳

西東。又攜來石塔，於今仍在巖之坑底，高約丈餘。余昔在俗，慕國師之風，故投是寺削落，奉祀香燈。凡此耳聞者，多從故老相傳，乃爰筆而志之，以補僧傳之闕。今欲重宣此義，并說偈曰。

國師賜號	龍袴之美	吾漳東鄉	霞洲郭子
明萬曆朝	師僧得度	落髮山頭	執勞是務
世本業農	不識字故	習經鈍遲	讀不落句
猶是特伽	誦帚一數	渠受業師	目隨不注
運水採薪	當視傭雇	然其道心	不失堅固
經歷有年	而朝而暮	學既不能	無殊盲路
每參師法	不教修道	但言苦行	消業自好
餘非汝學	何用多討	如是幾番	不生恨惱
正念欲修	適雲水衲	自遠方來	為之招納

龍 袴 國 師 傳

夜私叩參	教離冗雜	念佛專修	巖居最合
澗飲木食	如是等答	開示此道	要躬踐踏
師聞之喜	感覺其理	三峰石窟	栖身正擬
復作是念	勿令知止	知事不成	難免卑鄙
也曾一度	預啟師友	某於不日	將有他走
人山修道	歸日久久	人謂戲言	便不信受
然志已決	生死心切	從此每往	治彼石穴
伐木誅茅	徑通曲折	人不知為	彼亦不說
歸見負薪	與昔無異	不日成之	休焉有志
果於越晨	將所用器	而詣石窟	從斯隱避
勤念彌陀	栖心淨土	惟煎米湯	清苦自度
若乞山麓	有難行路	自說居山	游塵厭惡

龍 袴 國 師 傳

果腹無他

種些薯芋

淡泊甘心

餐風飲露

高卧雲霞

不讓仙步

友之麋鹿

侶之烏兔

居別有天

不攀俗緣

清虛若此

即極樂仙

奈未一載

庵中友師

訪樵問路

住處被知

勸不歸庵

雖苦亦甘

竟不移志

蘭若可堪

後有姊子

聞者來探

邀庵同伴

苦勸再三

惠布不受

勸歸不遽

布強投下

拭淚而去

布不動移

亦不視顧

一投多年

塵封無數

物不見碍

念佛如故

無碍解脱

證得堅固

復聞國師

住山時久

其身所著

納袴成朽

鍼線無心

破裂膝首

心忽動念

自慰開口

作如是言

能度暫度

待禮國師

與汝龍袴

龍 袴 國 師 傳

其善安心	真得神悟	知當來事	勝紹子數
此類超群	自修清苦	胸有修竹	絕無城府
布者自布	堆於塵土	袴者自袴	破而不補
堪與大梅	同師學古	一日近村	有雜貨賣
貿易不勝	正歸食午	途經山隈	值天降雨
避雨其舍	腹枵索膳	慷慨一聲	隨口答善
但拾石卵	此坑不遠	來便相餉	隨往取返
即令滌淨	師親以指	散落鍋中	加少許水
教彼燒火	彼人疑此	將有所為	何等工技
未幾聞師	喚芋熟矣	去蓋視之	芋卵香美
箇箇形如	初拾石子	二人同食	猶不餒耳
師因密誡	去勿傳謠	今後遇食	用此相邀

龍 袴 國 師 傳

石芋奇事	顯示神通	得真道力	變化無窮
後師復念	自利既得	當復利人	利人無極
奉茶結緣	便就暑天	於近鄰處	松關亭邊
一味茶水	供施三年	無分僧俗	不取文錢
時適國太	萬曆母崩	託夢于帝	囑請德僧
為拔幽苦	早獲超昇	諸通天監	皇命敬承
為占得道	祥雲起騰	報之閩省	聖僧出興
帝以為爾	下詔求徵	普請全省	高德法燈
次第延請	六和衆德	應輪漳州	諸刹衣黑
同門昆季	亦受派敕	束裝之京	途經亭側
休憩喝茶	師善觀色	問其同門	何去勞力
彼為說之	師言且息	欲見帝都	隨去可得

龍袴國師傳

時彼同門	偏以言逆	經懺不能	去何所益
用是等難	師隨啟白	雖不懺事	挑箱執役
彼聞轉機	要隨便適	於是從後	去入千百
師儼沙僧	一挑經冊	沿途至京	誰有人惜
通告聖意	上已云及	凡閩僧來	從新門入
入者之人	川資隨給	配船令還	散歸各邑
若不入者	可詰其故	即來稟啟	朕自出顧
同行諸師	莫不進入	乃有多人	皆受配給
師讓人前	不敢爭急	早知是事	識別卓立
但跪向門	喃喃合十	守門怪問	何故不入
地下金剛	此言以答	審問再三	一句不雜
遂奏聞上	上心歡喜	謂得道僧	人將毋此

龍 袴 國 師 傳

御駕出迎	問亦答爾	上賜倒行	入則可以
師敬來教	翻頭作足	躍身而入	超塵越俗
上贊聲曰	善哉入矣	如日麗天	衆同仰視
地下金剛	少知埋藏	上命左右	收入香囊
朕為試驗	故作此方	非真高德	誰入謹防
帝迴顧師	作如是言	拔濟幽苦	報劬勞恩
應何經懺	可薦國母	答懺不會	念佛可否
報曰念佛	亦是超度	不知梵壇	如何安布
師語結構	壇如臺式	高一丈餘	安靈在即
并製魂旛	惟白其色	以為接引	示亡者識
問何日用	言就來朝	帝疑簡略	何能拔超
遂命快辦	對師瞻翹	見其衣垢	沐浴以邀

龍 袴 國 師 傳

師云不會	帝笑不浴	令諸宮娥	沐身及足
密人竊窺	知否離欲	方來報明	師非凡俗
浴及下身	巾停手縮	師曰此肉	豈不是肉
汝分別心	念隨不淑	浴畢男根	猶螺旋伏
宮女對上	稱讚此師	不動情慾	真聖無疑
甚為希有	帝聞喜之	疑必果位	梵行珍奇
以國師禮	殷重待伊	迄於次早	帝臨壇時
見師執旛	召國太魂	對靈說法	一偈宣聞
我本不來	是汝故愛	連根拔起	超昇天界
復旛三招	稱佛三句	便謂上言	已經超度
上猶懷疑	超度何速	忽聞空中	有聲甚熟
舉頭瞻望	見母帝伏	親承母言	蒙資冥福

龍 袴 國 師 傳

念佛之力	今獲超昇	為我禮謝	三寶聖僧
帝時欲問	悲咽塞情	相見在目	言不出聲
帝為禮師	未舉頭時	雲端萱影	已不見之
法事告滿	帝攜其手	徐步下壇	贊師希有
旋以百千	金珠寶物	盛盤奉師	敬如活佛
師皆不納	又衣賜紫	及諸法具	不納亦爾
惟瞻帝身	所著龍袴	意愛於斯	言不敢吐
帝知其心	謂喜朕袴	須者相與	師悅顏顧
為說往事	曾一動念	帝信深然	擬新服贍
師言但此	不必別求	著龍之袴	消箇念頭
豈真愛樂	帝愈佩德	即持賜與	欣然喜色
賜以龍袴	國師之稱	帝因慶賀	是午齋僧

龍 榜 國 師 傳

滿朝文武	賀者臨門	師止免禮	并謝皇恩
帝邀齋後	遊御花園	園中有塔	鑄字世尊
師罕見者	問是何物	帝答是塔	梵書七佛
汝豈不知	師嘿不語	瞻塔依依	不捨餘去
帝知復言	若喜此塔	令工運去	不審意合
國師隨答	但施與我	不勞運工	帝言曰可
汝便持去	師心悅豫	以神通力	舉塔離處
收納袖中	湧身在空中	辭帝將去	顯現神通
帝稽首禮	錫留不住	三番翹殷	心極傾慕
泣喚聖人	今往何處	答闕三峰	石窟而去
言畢步空	還本所住	帝因聖師	心時懷慕
遣使人闕	求覓是人	果於漳郡	彼處問津

龍 袴 國 師 傳

即見師面	說及來因	奉旨迎請	受命帝宸
師以方便	與使說善	稱疾不起	免朝南面
使承帝囑	若不來見	亦當所居	為建禪院
使人將歸	轉敕府縣	於師住處	造三寶殿
成之不日	隨名取實	鑄額四字	閒雲石室
四方衲子	來參屈膝	法門一開	住衆盈溢
宰官居士	皈依四起	恭敬吾師	念佛真理
江西狀元	羅倫奉先	捐榮出俗	深入佛緣
法名念庵	扶筇山巔	訪師高道	親近三年
蒙示念佛	行者生蓮	惜其法語	無錄無傳
雖復開示	一時盛緣	無聞後世	孰知前賢
祇遺一偈	幷載府志	略說開山	師顯神異

龍 袴 國 師 傳

且說神宗	遣使往邀	未及使返	白雲挂朝
又於同門	歸途病故	後師垂化	廿餘年數
至崇禎季	正月十八	化緣既盡	歸安樂利
聞三日前	預知生蓮	為衆說法	警策後賢
屆期沐浴	示往生緣	集衆念佛	解脫亦禪
其先俗氏	以師披緇	慮其無後	為之乞嗣
於師在日	盛傳千人	聞西歸訃	爭取真身
僧俗諍訟	判二棺木	一盛肉身	一貯龍服
漆色一樣	稱量平均	任於二彼	難別那真
時彼俗裔	挑揀爭先	竟獲龍袴	回歸奉焉
今每祭忌	像袴懸張	世目彼胃	曰和尚房
於真身者	幸歸釋門	而得焚化	起塔報恩

龍 袴 國 師 傳

聞說茶毘	舍利無數	葬就本山	謹嚴守護
歷久遠年	剝廢失顧	今巖后東	遺基塔墓
已無靈骨	滄桑變故	寺有遺像	雕衣龍袴
與念庵像	並在石室	足以證明	此一事實
昔師所攜	石塔尚存	在大悲閣	華藏玄門
出米之石	拜經之臺	庭前古樹	國師手栽
石坊門徑	芋田墾開	月融法界	影落三台
森羅萬象	名勝昔來	遺詩題石	永劫不灰
余昔在俗	慕風國師	便投石室	求作沙彌
開山歷史	悉探問之	故老相傳	強記無遺
託管城子	叙事報知	以補僧傳	闕載片辭
以增法海	一小漚浮	哲人高躅	永垂千秋

龍 袴 國 師 傳

茲偈一百五十三首，二千四百四十八言，重演傳文之義。而述國師生平操履，志行清高。誠哉希有。如優曇華，時一現耳。但偈中間，字句總有增減互異。然與本文所說者，多半雷同。或補或略。盡將是傳之事理，一脈相貫，弗取句法工對。不落穿鑿，方成自然。於傳及偈，語雖樸實，理稍可取。希諸賢達之士，莫作差別觀，而言此有彼無，此無彼有。請互參考，便面面俱到矣。謹布片語，幸世明眼，或為刪削，或重印以流通，公諸人人。無任歡佇。

時佛曆二九六二年，歲次乙亥，秋九月，觀世音大士掛璣珞日。念西，作于溫陵開元萬壽禪寺。

龍 袴 國 師 傳

備 覽 史 考

神宗母皇太后 慈山年譜 清公云，「萬曆四十二年甲寅。……中略……夏四月，還湖廣，聞聖母賓天，隨建報恩道場。有恩詔，乃對靈主披剃謝恩，還僧服。」原註云，聖母者，慈聖李皇太后也。隆慶妃，誕神宗，及潞藩。後為太后，信心喜捨，到處稱佛老娘娘。明制，外戚，生東宮者，止封父侯一輩，子弟僅襲錦衣。惟太后父，封宣國公。姪李成銘，嗣封武清侯。三輩不絕，兼多科甲，貴盛無比，人以為聖母事佛永世之報。崇禎十二年，成銘長庶子國臣，與母弟爭嗣爵家產。上怒，謂外戚世爵，本非祖制，且嫌其資厚。傳議籍沒，奉行過驟，李氏不堪。忽一日，第五皇子病死，頃之復甦，對上云。往見太祖娘娘，現在成佛，號九蓮菩薩。說武清侯產業，是我在日所賜，傳與汝父，無

傳師國袴龍

罪不得抄沒。國難不遠矣，汝去即來。言畢尋卒。上聞之大驚，遂聽戚族處分，寢前議，建九蓮菩薩廟於大內之北。此著國亡之兆，更驗佛法之靈。又聞聖母賓天時，囑萬曆皇帝，以不得達觀愁山修建道場為遺憾，聞愁山尚在廣，函召之。云云。此徵可知李太后於萬曆四十二年，皇上已曾召愁山大師，為國太夫人薦拔矣。今傳，言聖母託夢于帝，囑請高德沙門者。蓋欲重建第二次報恩道場，而龍袴國師又為其超拔者。稽其歲應在——四十六年，戊午星次。迨及拔乎，慈聖出現雲端，令帝親瞻之者，皆賴愁山之初拔，龍袴之後超。故獲超拔，而疾登九蓮菩薩位者，事不虛傳矣。

明，羅狀元，法名念庵，江西人也。著作甚富，有詩廿律，盛行于世焉。據泉州古蹟云，梅石位郡城之北，迤南數百武，有聞羅一峰先生講學之地，曰一峰書院，即泉人簡稱曰一峰書，是也。今故址已廢，惟梅石書院尚存。……查梅石得名之由來，實基明成化間。其地之居民，自昔相傳而歌童謠之曰。「梅石

龍袴國師傳

開，狀元來。」既而石果自裂為五瓣，宛若梅花，而翌日遂傳羅狀元至矣。蓋一峰也。一峰名倫，字彝正。以翰林修撰，以抗疏忤旨，謫提舉泉州市舶司。倫自幼勵學，至泉，有司諸生從之講明正學。（理學）為郡人士所景仰。嘉靖中，御史聶豹，乃建峰書院以祀之。舊有碑，護以亭。今則碑失亭圯矣。按中國歷代紀元表考之，成化之後，繼有弘治位一十八年。次正德位一十六年。次嘉靖位四十五年。次隆慶六位年。次萬曆末，（四十六年）龍袴國師始出世施化。兩中間經歷年代，約一百三十餘載前。彼此事不相涉也。若憑故老遺傳，並羅像之遺存，及其子進士後，而來追之時。曾樹一石華坊，于岩左等事，猶有蹟而可稽之。但比較年數不敷，不諗孰是。得參國師與否，尚待考明而後知其真實也。又羅狀元，諱倫，字奉先，亦作洪先，又作宏先。今字彝正則異，而諱又同。抑是前後兩羅狀元，猶齊周之間，道安慧遠之後出。若不加詳考，多誤傳之。茲略述諸史，以備稽之也。

願以此功德
莊嚴佛淨土
上報四重恩
下濟三塗苦
若有見聞者
悉發菩提心
盡此一報身
同生極樂國

龍袴國師傳

蓮因寺大專學生齋戒學會恭印

南投縣水里鄉頂崙村圳頭巷十五之一號

中華民國八十二年七月十五日恭印

